

রূপালী ব্যাংক লিমিটেড
উন্নয়ন, পরিকল্পনা ও গবেষণা বিভাগ
প্রধান কার্যালয়, ঢাকা।

সকল শাখা/আঞ্চলিক কার্যালয়/
স্থানীয় কার্যালয়/কর্পোরেট শাখা
আরবিটিআই সহ প্রধান কার্যালয়ের
সকল বিভাগের প্রতি :

সার্কুলার নং : প্রকা/উন্নয়ন/০১
তারিখ : ১০-০৩-২০১০ ইং

বিষয় :- “রূপালী মাসিক উপার্জন স্কীম (RMES) ” নামে একটি নতুন হিসাব চালু প্রসঙ্গে।

চাকুরীজীবীদের অবসরকালীন সুবিধাদি, প্রবাসীদের এককালীন প্রেরিত অর্থ তথা সর্বস্তরের জনসাধারণের জমানো অর্থ খরচ না করে উক্ত অর্থ হতে মাসিক ভিত্তিতে প্রাপ্তব্য লভ্যাংশ/ সুদের অংশ দিয়ে সংসারের আংশিক খরচ মেটানো এবং অত্র ব্যাংকের আমানতের ভিত্তিকে সুদৃঢ় ও তহবিল ব্যবস্থাপনা মজবুত করার নিমিত্তে পরিচালনা পর্ষদের ২৫-০২-২০১০ তারিখে অনুষ্ঠিত ৮১৪ তম সভার অনুমোদন মোতাবেক “রূপালী মাসিক উপার্জন স্কীম (RMES) ” নামীয় একটি নতুন হিসাব চালু করা হলো। উক্ত হিসাবের পরিচালন পদ্ধতি নিম্নে উল্লেখ করা হলো :

- ১। স্কীমের নাম : রূপালী মাসিক উপার্জন স্কীম (RMES)
- ২। হিসাবের মেয়াদকাল/সময়সীমা : ৩ (তিন) ও ৫ (পাঁচ) বছর।
- ৩। এককালীন আমানতের পরিমাণ : ৫০,০০০/- (পঞ্চাশ হাজার) বা এর গুণিতক।
- ৪। মুনাফার হার : ৩ বছর মেয়াদের ক্ষেত্রে ৮% এবং ৫ বছর মেয়াদের ক্ষেত্রে ৮.৫০% হারে (সরল সুদে)।
- ৫। মুনাফা প্রদান : মাসিক ভিত্তিতে ৩ বছর মেয়াদের ক্ষেত্রে টাঃ ৫০,০০০/- এর বিপরীতে মাসিক মুনাফা ৩৩৩/- টাকা এবং ৫ বছর মেয়াদের ক্ষেত্রে টাঃ ৩৫৪/- টাকা তবে সরকারী নিয়ম মোতাবেক উৎস কর ও অন্যান্য ট্যাক্স কর্তন পূর্বক অবশিষ্ট টাকা হিসাবধারীর শাখায় পরিচালিত সঞ্চয়ী/চলতি হিসাবে জমা হবে। এক্ষেত্রে হিসাবধারীর ঐ শাখায় সঞ্চয়ী/চলতি হিসাব থাকতে হবে/খুলতে হবে।
- ৬। হিসাব খোলা :
 - ক) আঠার বছর বা তদুর্ধ্ব বয়স্ক এবং সুস্থ মস্তিষ্ক সম্পন্ন যে কোন বাংলাদেশী নাগরিক নিজ নামে রূপালী ব্যাংক লিঃ এর যে কোন শাখায় এক/একাধিক হিসাব খুলতে পারবেন। নাবালক/নাবালিকার সংগে কিংবা যৌথভাবে এ হিসাব খোলা যাবে।
 - খ) ক্লাব/সমিতি সমূহও যথাযথ নিয়ম পরিপালন সাপেক্ষে এ হিসাব খুলতে পারবে।
 - গ) ব্যাংকের নির্ধারিত ফরমে এ স্কীমের আওতায় হিসাব খোলার আবেদন করতে হবে এবং সে সাথে এ হিসাবের আওতায় সকল নিয়মাবলী পরিপালন/মেনে চলবেন মর্মে আমানতকারীকে হিসাব খোলার ফরমের নির্দিষ্ট স্থানে স্বাক্ষরপূর্বক সম্মতি প্রদান করতে হবে।
- ০৭। ঋণ সুবিধা :
 - ক) হিসাবধারী হিসাবের আমানত লিয়েন রেখে মূল অংকের সর্বোচ্চ ৮০% ঋণ গ্রহণ করতে পারবেন।
 - গ) ঋণের উপর সুদ হবে ব্যাংক কর্তৃক প্রদত্ত সুদের চেয়ে ৩% বেশী। অর্থাৎ ৩ বছর মেয়াদের আমানতের বিপরীতে ১১% এবং ৫ বছর মেয়াদী আমানতের বিপরীতে ১১.৫০%।
 - ঘ) চেকসহ জমাতিরিক্ত ঋণ সুবিধা গ্রহণ করলে ঋণের উপর সুদের হার ৪% বেশী হবে। অর্থাৎ ৩ বছর মেয়াদের আমানতের বিপরীতে সুদের হার হবে ১২% এবং ৫ বছর মেয়াদী আমানতের বিপরীতে সুদের হার হবে ১২.৫০%।
 - ঘ) ঋণের মেয়াদ অবশ্যই সংশ্লিষ্ট আমানতের মেয়াদের বেশী হতে পারবে না।
 - ঙ) ঋণের স্থিতি কোন একমুহূর্তেই আমানতের ৯০% এর অতিরিক্ত হতে পারবে না। উক্ত সীমা অতিক্রমের প্রাক্কালে আমানতের উপর প্রদেয় মাসিক সুদ হিসাবধারীর হিসাবে জমা না করে হিসাবধারীর ঋণ হিসাবে জমা করতে হবে।
 - চ) যথাযথ নিয়ম পরিপালন সাপেক্ষে এ ঋণ মঞ্জুরের ক্ষমতা শাখা ব্যবস্থাপকের আওতাধীন।
- ৮। নবায়ন :
 - ক) হিসাবধারী আবেদন করে মেয়াদান্তে পরবর্তী একই মেয়াদের জন্য উক্ত আমানত নবায়ন করতে পারবেন।
 - খ) যদি হিসাবধারী মেয়াদ পূর্তিতে শাখায় যোগাযোগ না করেন তবে মেয়াদান্তে স্বয়ংক্রিয়ভাবে আমানতটি পরবর্তী একই মেয়াদের জন্য নবায়নযোগ্য হিসাবে গন্য হবে।

অপর পাতায়

৯। মেয়াদ উত্তীর্ণের পূর্বে হিসাব বন্ধ করণ/নগদায়ন :

- ক) হিসাবধারী লিখিত আবেদনের মাধ্যমে আমানত হিসাব বন্ধ/নগদায়ন করতে পারবেন।
- গ) হিসাব খোলার ৩(তিন) মাসের মধ্যে নগদায়ন/বন্ধ করা হলে হিসাবধারী কেবলমাত্র জমাকৃত মূল অর্থ হতে মাসিক ভিত্তিতে উত্তোলনকৃত অর্থ বাদ দিয়ে অবশিষ্ট টাকা ফেরৎ পাবেন।
- গ) ৩ (তিন) মাসের পর কিন্তু ১ বছরের কম হলে ৫% সরল সুদে, ১ বছরের অধিক কিন্তু ২ বছরের কম হলে ৬% সরল সুদে এবং ২ বছরের অধিক হলে ৭% সরল সুদ প্রযোজ্য হবে। এক্ষেত্রে অতিরিক্ত গ্রহনকৃত অর্থ কর্তন পূর্বক অবশিষ্ট টাকা হিসাবধারী প্রাপ্য হবেন।
- ঘ) মেয়াদ পূর্তিরপূর্বে হিসাবধারী মৃত্যুবরণ করলে, যে তারিখে হিসাবধারী মৃত্যুবরণ করেছেন সে তারিখেই হিসাবটি স্বয়ংক্রিয় ভাবে বন্ধ হিসাবে গণ্য হবে এবং উক্ত হিসাবের উপর ঐ তারিখ (মৃত্যুর তারিখ) হতে সুদ আরোপ হবে না। হিসাবধারীর নমিনী ‘গ’ একমিকে উল্লেখিত হারে হিসাবের টাকা প্রাপ্য হবেন। নমিনী নাবালক হলে নমিনীর অভিভাবক হিসাবের টাকা প্রাপ্য হবেন।
- ঙ) মেয়াদ পূর্তীর পূর্বে বর্ণিত আমানতের বিপরীতে ঋন রেখে যদি হিসাবধারী মৃত্যু বরণ করেন, সে ক্ষেত্রে মৃত্যুর তারিখ পর্যন্ত আমানতের হার (অর্থাৎ ৮.০০%, ৮.৫০%) যেটি প্রযোজ্য অনুযায়ীই হিসাবের উপর লভ্যাংশ প্রদেয় হবে এবং ঋনের ক্ষেত্রে পরিশোধের পূর্বের দিন পর্যন্ত নির্ধারিত হারে সুদ আরোপ পূর্বক ঋন সমন্বয় করে অবশিষ্ট টাকা নমিনী/অভিভাবক কে প্রদান করতে হবে।
- চ) যদি হিসাবধারী এবং নমিনী উভয়েই হিসাব পূর্তীরপূর্বে মৃত্যু বরণ করেন সেক্ষেত্রে নমিনীর উত্তরাধিকারী/উত্তরাধিকারীগণ অংশ মোতাবেক হিসাবধারীর ঋন বকেয়া থাকলে ‘ঙ’ একমিক অনুযায়ী এবং ঋন না থাকলে ‘গ’ একমিক অনুযায়ী হিসাবের টাকা প্রাপ্য হবেন।

১০। অন্যান্য :

- ক) মাসের যে কোন কার্যদিবসে এ হিসাব খোলা যাবে।
- খ) আমানতকারীর টাকা জমাদানের তারিখ হতে ১(এক) মাস হিসাব করে মাসিক লভ্যাংশের টাকা সংশ্লিষ্ট হিসাবে প্রদেয় হবে।
- গ) হিসাবটি যে তারিখে খোলা হবে ৩/৫ বৎসর পূর্ণ মেয়াদান্তে অর্থাৎ সেই তারিখের পরবর্তী কার্যদিবসে হিসাবধারীর আবেদনের প্রেক্ষিতে হিসাবের টাকা (সরকারী ট্যাক্স কর্তন পূর্বক যদি থাকে) প্রদেয় হবে।
- ঘ) হিসাবের সুদের উপর সরকারী নিয়মানুযায়ী নির্ধারিত উৎসে কর ও হিসাবের উপর আবগারী শুল্ক কর্তন প্রযোজ্য হবে। তবে প্রতি মাসের লভ্যাংশ সংশ্লিষ্ট হিসাবে স্থানান্তর জনিত কারণে কোন চার্জ প্রযোজ্য হবে না।
- ঙ) শাখা সমূহ আপাততঃ প্রচলিত মেয়াদী আমানত হিসাব খোলার ফরম ও মেয়াদী আমানতের রশিদ ব্যবহার করবেন। ফরম ও রশিদের উপর “ রূপালী মাসিক উপার্জন স্কীম” (RMES) নামীয় সীল ব্যবহার করতে হবে।
- চ) প্রচারনার নিমিত্তে শাখাসমূহ কর্তৃক উপযুক্ত স্থানে ব্যানার /ফেস্টুন স্থাপনের মাধ্যমে উক্ত আমানত স্কীমের আওতায় হিসাব খোলার জন্য জনসাধারণকে আকৃষ্ট এবং উদ্বুদ্ধ করার যথাযথ ব্যবস্থা গ্রহণ করতে হবে।
- ছ) এই স্কীমের আওতায় হিসাব খোলার কার্যক্রম আগামী ০১ এপ্রিল’২০১০ তারিখ হতে আরম্ভ হবে এবং পরবর্তী নির্দেশ না করা পর্যন্ত এই স্কীম চালু থাকবে।
- জ) স্কীমের সুদের হার এবং মেয়াদসহ এতদসংক্রান্ত যে কোন শর্ত পরিবর্তন/সংশোধন/সংযোজন/ বাতিল করার অধিকার রূপালী ব্যাংক লিঃ কর্তৃপক্ষ সংরক্ষণ করবে।

(আবু মোঃ ছায়েদুল ইসলাম)
উপ-মহাব্যবস্থাপক

(মোঃ এনামুল ইসলাম খান)
মহাব্যবস্থাপক(উন্নয়ন)